



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiæ Augustæ Scriptores VI

Ælius Spartianus. Vulc. Gallicanus. Julius Capitolinus. Trebell. Pollio. Ælius
Lampridius. Flavius Vopiscus

Spartianus, Aelius

Lugduni Batavorum, 1671

De Timolao, XXVII.

[urn:nbn:de:hbz:466:1-51232](https://nbn-resolving.org/urn:nbn:de:hbz:466:1-51232)

DE TIMOLAO, XXVII.

28 **D**E hoc ea putamus digna memoria quæ de fratre sunt dicta. Unum tamen est quod eum à fratre separat, quod tanti fuit ardoris ad studia Romana, ut brevi consequutus quæ insinuaverat grammaticus, esse dicatur: potuisse quinetiam summum Latinorum rhetorem facere.

DE CELSO, XXVIII.

29 **O**ccupatis partibus Gallicanis, Orientalibus, quinetiam Ponti, Thraciarum, & Illyrici, dum Gallienus popinatur & balneis ac lenonibus deputat vitam, Afri quoque autore Vibio Passieno, proconsule Africae, & Fabio Pomponiano duce limitis Libyci, Celsum imperatorem appellaverunt, peplo deæ Cælestis ornatum. Hic privatus ex tribunis in Africa positus, in agris suis vivebat: sed ea justitia, & corporis magnitudine, ut dignus videretur imperio. Quare creatus per quandam mulierem, Gallienam nomine, consobrinam Gallieni, septimo imperii die interemptus est, atque adeo etiam inter obscuros principes

VIX

CASAUBONUS.

1 Potuisse quinetiam summum Latinorum rhetorem facere.] Facere pro evadere vel fieri. insolens loquendi modus.

2 Peplo deæ Cælestis ornatum.] Quia aliunde purpura non suppetebat ad amicum novum Augustum necessaria, detraxerunt hujus deæ simulacro. sic Saturninus, auctore Vopisco, deposita purpura ex simulacro Veneris, adoratus est. vide ad Gordianos. Quod autem soliti fuerint veteres simulacra suorum numinum vestibus induere, ne tirones quidem nesciunt.

3 Hic privatus ex tribunis in Africa

positus, in agris suis vivebat.] Privatus ex tribunis, id est, jam privatus, qui fuerat ante tribunus. sic, ex ducibus, & similia. de quibus supra.

SALMASIUS.

1 Potuisse quinetiam summum Latinorum rhetorem facere.] Eleganti locutionis genere, rhetorem facere heic dicitur, qui fit rhetor, vel rhetor evadit. quasi qui de se gignit & dat rhetorem. non dissimili modo Spartianus dixit, hastam duas partes facere, quæ per medium in duas partes scinditur, ita ut ex una duæ quasi fiant plaga dicitur vermes facere, quæ vermibus ebullit.

I 24